

# Aðalfundur foreldrafélags Setbergsskóla dags. 10. okt. 2012

Staður: Setbergsskóli salur kl. 18:00

Pálmar Sigurðsson formaður foreldrafélagsins setur fundinn og býður fundargesti velkomna. Pálmar gerir tillögu um Valdimar Svavarsson sem fundarstjóra og Aðalbjörg Óladóttur sem ritara fundarins.

## 1. Skýrsla foreldrafélagsins

Valdimar tekur til máls og kynnir næsta ræðumann, Pálmar Sigurðsson.

Pálmar Sigurðsson fer yfir skýrslu stjórnar sem er samantekt frá fundum 05.09.2011 – 4.09.2012. 7 fundir voru haldnir á skólaárinu 2011/2012. Pálmar mun fara greitt yfir starfið á liðnu skólaári.

### Námskeið

Ýmis námskeið voru í boði. **15.sept.Skólafærni fyrir foreldra 1. bekkinga þar** sem m.a. PMT foreldrafærni var kynnt og farið í gegnum lestrarbyrjun hjá börnunum. **14.sept.Unglingafærni** fyrir foreldra 8. bekkinga þar sem Setrið var m.a. með kynningu á sínu starfi og Páll Stefánsson félagsráðgjafi hélt fyrirlestur um samskipti foreldra og unglunga (líflægur og fræðandi að vanda). Þessi námskeið voru vel sótt og til fyrirmyndar. Þá var haldinn **bekkjafulltrúafundur 12.okt** þar sem starf bekkjafulltrúa var kynnt ásamt forlestraröltinu sem hefur ætíð fengið hrós fyrir frábæra frammistöðu hér í Setbergsskóla og hvet ég því foreldrar til að vera duglegir að standa vaktina þega kallið kemur.

### Útgáfustarfsemi – október

Var handbókin okkar góða uppfærð og send út. Foreldrafélagið gefur út handbók fyrir foreldra og bekkjafulltrúa þar sem fram kemur margt mjög svo nytsamlegt um störf bekkjafulltrúa og bara almennt um hvernig við foreldrar getum undirbúið okkur og stutt börnin okkar í skólalífnum.(sýna bókina og benda á hvar hún er til staðar – allir ættu að hafa fengið hana senda rafrænt og hvetja foreldra til að kynna sér hana). Til gamans má geta þess að bókin var tilnefnd til viðurkenningar frá Heimili og skóla 2010.

### Jólafröndrið- 26.nóv

Jólafröndrið er fastur liður í skólalífinu og alltaf ánægjulegt hversu vel það er sótt enda um fjölskylduvæna jólastemmingu að ræða. Nemendur tóku virkan þátt, kórinn söng jólalög og 10. bekkingar sáu um kaffi og vöfflusölu að vanda. Jólafröndrið er einnig opið afa og ömmu og því tilvalið að bjóða þeim með.

### Skólalíf var haldið í Setbergsskóla - 5.mars ath...

Setbergsskóli er forystuskóli í læsi og námsvitund og því er skólalífið mikilvægur hlekkur í öllu starfi skólans. Lestur og lestrarhvatning er mikilvægur þáttur í starfi skólalífsins. Markmiðið er að gera nemendur okkar að áhugasömum lesendum jafnt á bókmenntir sem fræðiefni. Met aðsókn var á okkar árlega páskabingó og nóg af vinningum enda margir glaðir sem hreptu páskaegg. Styrktaraðili var Góa og þökkum við þeim kærlega stuðninginn.

### Páskabingóið - 28.mars

Met aðsókn var á okkar árlega páskabingó og nóg af vinningum enda margir glaðir sem hreptu páskaegg. Styrktaraðili var Góa og þökkum við þeim kærlega stuðninginn.

### Foreldraröltið

Foreldraröltið gekk vel. Dagný Sverrisdóttir hefur haft umsjón með því og stýrt því röggssamlega. Fyrirkomulag fyrir þá ráðgjafi í dag er þannig að þeir sem rölta fá send helstu símanúmer í SMS og tölvupósti (þar afleiðandi engin taska og engir endurskinsborðar eins og var áður). Einn meginkosturinn við foreldraröltið er sá að reynslan hefur sýnt að nálægð fullorðinna hefur yfirleitt þau áhrif að unglingahópurinn leysist upp og ólíklegt er að landa- eða vímuefnasöllumenn geri vart við sig þegar foreldrar vakta svæðið. Mælingar sýna að þar sem rölt er um helgar minnka

vandamál í hverfinu. Ég vil þakka Dagnýju fyrir frábært utanumhald, foreldrum fyrir að rölta og bekkjarfulltrúum að hringja út og tryggja röltið... verum áfram virk í þessu góða starfi.

### **Innheimta ársgjalda - Greiðsluseðlar**

Rafrænir greiðsluseðlar, vegna innheimtu ársgjalds til foreldrafélagsins, voru ekki sendir út í byrjun vetrarannarinnar og því mun það skýra niðurstöður í ársreikningi hér á eftir. Seðlarnir voru sendir út í byrjun þessa skólaárs (2012/2013) fyrir síðasta ár (snörp gjaldkeraskipti urðu á síðasta skólaári og því gleymdist að senda út seðlana – til stendur að senda fyrir núverandi skólaár strax í janúar 2013 (*1000 á heimili – rekstur foreldrafélagsins*))

### **Annað**

Skólinn fékk gjöf/styrk frá ykkur - foreldrafélaginu (foreldrum/forráðamönnum og nemendum skólans) í lok skólaárs vorið 2012 uppá kr. 150.000 til endurnýjunar á hljóðkerfi á tækjabúnaði skólans.

Foreldrafélagið fór í gang í með óhefðbundna fjáröflun fyrir skólann okkar sem ekki hefur verið gerð áður, en hún var á þá leið að sett voru upp styrktarnúmer (frjálst þáttaka að sjálfsögðu) sem foreldrar og forráðamenn geta hringt í og síðan stimplað 1 eða 2 allt eftir því hversu háa fjárhæð þeir vilja styrkja 1=kr. 1.000 og 2= kr. 2.000. Opið var fyrir innhringingar í 60 daga frá 1.mars – 30.apríl 2012. Því miður þá var þáttaka grátlega lítil og innkoma aðeins kr. 22.000 og skilaði fjáröflunin rekstrartapi uppá kr. 17.000,- (sjá rekstrarreikning)

Ég vil að lokum þakkar gott samstarf við stjórnendur og starfsfólk skólans, foreldra og nemendur á liðnum árum. Hvet foreldra til að nýta sér foreldrafélagið sem vettvang til áhrifa og jákvæðrar uppbyggingar í skólastarfi.

## **2. Skýrsla Skólaráðsins**

Valdimar tekur til máls og kynnir næsta ræðumann, Mjöll fulltrúi foreldra í skólaráði kynnir skýrslu skólaráðs.

## **3. Lagabreyting - engar**

## **4. Yfirferð ársreiknings**

Valdimar tekur til máls og kynnir næsta ræðumann, Jónu Björg Björgvinsdóttur gjaldkera foreldrafélagsins fer yfir ársreikning foreldrafélagsins.

## **5. Samþykktir**

Skýrsla stjórna og rekstrarreikningur eru lögð fram til samþykktar. Fundargestir samþykkja einróma.

## **6. Kosið í stjórn foreldrafélag**

Valdimar tekur til máls og kynnir næsta erindi á dagskrá sem er kosning í stjórn foreldrafélagsins og skólaráðs.

Formaður: Pálmar Sigurðsson  
Gjaldkeri: Jóna Björg Björgvinsdóttir  
Ritari: Aðalbjörg Óladóttir  
Meðstjórnandi: Rósa Pétursdóttir  
Meðstjórnandi: Anna Margrét Tómasdóttir  
Meðstjórnandi:

Dagný Sverrisdóttir hætti í stjórn eftir \_\_\_\_ ár og þökkum við henni frábært óeigingjarnt starf í þágu félagsins.

Ekki hafa borist svör frá foreldrum um að setjast í stjórn og legg ég til að núverandi stjórn fái heimild til að ganga í að klára það mál þ.e. að full manna stjórnina.

## 2 kosnir af starfsfólki skólans:

Harpa Vigfúsdóttir er fulltrúi starfsmanna í stjórn FS.  
Anna María Gunnarsdóttir er fulltrúi kennara í stjórn FS

fyrir hönd stjórnenda er aðstoðarskólastjóri Sif Stefánsdóttir í stjórninni

Einar Ólafsson, löggiltur endurskoðandi, mun halda áfram að yfirfara reikninga fyrir foreldrafélagið. Einar hefur gefið vinnu sína í þágu félagsins í fjölda ára og vill foreldrafélagið þakka honum sérstaklega fyrir hjálpina.

## Kosning fulltrúa í skólaráð Setbergsskóla :

Mjöll Flosadóttir  
Vantar einhvern í staðinn fyrir Vilhjálmur Haraldsson

## **7. Önnur mál**

Valdimar tekur til máls og kynnir að næsti dagskrárliður sé önnur mál.  
Skólastjóri Setbergsskóla Hrönn tekur til máls?? Einhver??

## **8. Kaffihlé**

Valdimar tekur til máls og býður upp á kaffi og konfekt.

## **9. Fyrirlestrar**

Kl. 18:45 Atli Viðar Bragason sálfræðingur flytur erindi:  
**Hvernig birtist kvíði hjá börnum?**

## **10. Fundarslit**

Fundi slitið kl. 20.00

Fundarritari